

ახალი

განთიადი

„შედნიერია ის, ვისაუ
სამშობლოსათვის უძვირეს გული.“



23 - 30 იანვარი 2014 წელი №1 № 8059 ელფოსტა: axaligantiadi@gmail.com.



გიორგი
სორგუაშვილი
85



ამონარიდი სრულად
საქართველოს
უაღიარო-პაწმარტის,
მცხეთა-თბილისის მო-
ვარტისუბის, ბიჭვინ-
თისა და ცხუმ-აფხაზეთის
მიწროპოტიფის ილია II-ის
საშობაო ეპისტოლედან

გვ. 336.

„ვარ ვაცში
ცხელი გულის
მძებნელი ...“

გვ. 334-5.



სასელი წალი სოფელ
ქვემო გომს გვ. 332.



თელიანელთა
ქვემოქველბა გვ. 332.

ტივოლის ზღვნი
და ასტერიქსის
ზარკი

გვ. 337.

ყველახე დიდი
საბავშვო მუზეუმი

2014 წელს ქასის განთიავალიგაგა
რეგიონში ყველახე გეგი დაფინანსება
მიიღო გვ. 332.

ქასში, გიორგი სააკაძის ქუჩის მოსფალგაგის
სარკეზებით რაბარებული საგუგოები ქასის
განთიავალიგაგის გეგეგომის მიერ არ იქნება
მიღებული და ანაზღაურებული გვ. 332.

80 წელია ჩვენი გაზეთი წერს, აგროვებს, ინახავს
რაიონის ისტორიას, ხარეს არ უხდის ყვითელ პრესას,
ქმნის ჩვენი ცხოვრების შეულამაზებელ მათიანეს...

განთიადი

80 წელი თქვენს
გვარდით!

გამოინერეთ „ახალი განთიადი..!“

მდინარე ლეხურაზე ნაპირსამაგრი
საგუგოები მიმდინარეგომს გვ. 333.

ზავშვთა
ყფლეგეზის
კონვენცია

გვ. 337.



2014 წელს კასპის მუნიციპალიტეტში რეგიონული ყველაზე მეტი დაფინანსება მიიღო

კასპის მუნიციპალიტეტის გამგეობამ 2014 წელს განსახორციელებელი პროგრამული პროექტების ნუსხა საქართველოს მთავრობაში ჯერ კიდევ გასულ წელს წარადგინა. საქართველოს რეგიონული განვითარების სამთავრობო კომისიამ, გასულ კვირას განიხილა საკითხი და პირველ ეტაპზე დააფინანსა პროექტები, რომელთა საერთო ღირებულებამ 4 326 000 ლარი შეადგინა. 2014 წელს დამტკიცებული პროექტების მიხედვით, იგეგმება ქალაქ კასპის "შავრობი"-ს (8 000 გრძ.მ) და „ახტალი“-ს (12 000 გრძ.მ) სარწყავი არხების რეაბილიტაცია. ქალაქ კასპში 10 ქუჩაზე მოეწყობა საკანალიზაციო სისტემა. რუსთაველის ქუჩაზე, სადაც მიწისქვეშა კომუნიკაციები სრულადაა მოწყობილი - 800 გრძივ მეტრზე დაიგება ასფალტის საფარი. სოფელ ლამისყანაში, დავით გურამიშვილის წყაროდან არსებულ წყლის დებეტზე,

მოეწყობა ახალი წყალსადენი სისტემა და რეზერვუარი. მუნიციპალიტეტში არსებულ საბაგეშო ბაღების შენობებს ჩაუტარდება ნაწილობრივი სარეაბილიტაციო სამუშაოები. 500 გრძივ მეტრზე, განხორციელდება საქადაგიანო-ხიდი-სყურის საავტომობილო გზის რეაბილიტაცია-რეკონსტრუქცია. მნიშვნელოვანი პროექტია ოკამი-ლამისყანა-თეზის თბილისი-სენაკი-ლესელიძის ჩქაროსნულ მაგისტრალთან შემაერთებელი გზების სრული რეაბილიტაცია. 2014 წელს, რეგიონული განვითარების სამთავრობო კომისიამ პირველ ეტაპზე, კასპის მუნიციპალიტეტში სულ 8 პროექტის დაფინანსება გადაწყვიტა. ამჯერად კასპის მუნიციპალიტეტში რეგიონში ყველაზე მეტი დაფინანსება მიიღო. შესრულებული სამუშაოების მონიტორინგს, საქართველოს რეგიონული განვითარებისა და ინფრასტრუქტურის სამინისტრო განახორციელებს.



სასმელი წყალი სოფელ ქვემო გომს

სოფელ ქვემო გომსში სასმელი წყლის სათავე ნაგებობის, რეზერვუარის და წყალსადენის ქსელის რეკონსტრუქციის სამუშაოები მიმდინარეობს. პროექტით განსაზღვრულია წყალშემკრები სადრენაჟე ნაგებობის, საქლორატოროს, 1 000 - ტონიანი პოლიმერული მასალისგან ასაწყობდასამუშაო კოლანდიური რეზერვუარის და მაგისტრალის შიდასაუბნო დაქსელების სამუშაოები. მაგისტრალიდან რეზერვუარამდე მოეწყობა 1 600 გრძივი მეტრის

160 მმ დიამეტრის მაგისტრალი, ხოლო რეზერვუარიდან 4 000 გრძივ მეტრზე მოხდება შიდასაუბნო დაქსელება და შემოიღობება საქლორატორო. სასმელი წყლის სამუშაოებს ტენდერში გამარჯვებული შპს "ჰიდროტექნოლოგიური ჯგუფი" ასრულებს, რომლის განხორციელებაზე 190 000 ლარი დაინარჯება. სამუშაოები მიმდინარე წლის თებერვალში დასრულდება და სოფლის ის უბნები, რომლებიც სასმელი წყლის გარეშეა დარჩენილი სანიტარულ ნორმებს დაქვემდებარებულ, ეკოლოგიურად სუფთა სასმელ წყალს მიიღებენ, - აღნიშნა კასპის მუნიციპალიტეტის გამგეობის მოვალეობის შემსრულებელმა გონა გოჩიტაშვილმა.

თელიანელთა ქვემოქვედა

13 იანვარს კასპის მუნიციპალიტეტის გამგეობის, თელიანის ტერიტორიულმა ორგანომ ქალაქ თბილისში ასოციაცია "ანიკა"-ს მიერ დაფუძნებულ, შეზღუდული შესაძლებლობის მქონე ბავშვთა სოციალური რეაბილიტაციის ცენტრს სოფლის ნობათი ჩაუტანა (ვაშლი, მანდარინი, კომბოსტო, ლობიო, თხილი, კაკალი და გოგრა). - გვინდოდა ბავშვებისთვის თანადგომა გაგვეწია და მათ მიმართ ჩვენი დამოკიდებულება გამოგვეხატა. როდესაც

მარეხ ვათიაშვილთან და ვაჟა ჭალაიშვილთან ერთად (ტერიტორიული ორგანოს სპეციალისტები) ნობათის შეგროვება დავიწყეთ, ჩვენი იდეის განხორციელებაში მონაწილეობის მიღების სურვილი ფერმერმა გივი დემეტრაშვილმა, საკრებულოს დეპუტატმა იაგო დემეტრაშვილმა, მეწარმეებმა ლევან ბერიანიშვილმა და ჯონი გელიტაშვილმაც გამოთქვეს. მათ ბავშვებთან კარაქი, ნამცხვრები და ტკბილეული გაგვატანეს - აღნიშნა თელიანის ტერიტორიული ორგანოს რწმუნებულმა ტარიელ დემეტრაშვილმა. ასოციაცია "ანიკა" 1997 წელს შეზღუდული შესაძლებლობის მქონე

* გაგრძელება მე-3 გვ.

კასპში, გომრში სააკაძის ქუჩის მოასფალტების სარეაბილიტაციო სამუშაოები კასპის მუნიციპალიტეტის გამგეობის მიერ არ იქნება და ანაზღაურებული

2013 წელს გამოცხადებულ ელექტრონულ ტენდერში, რომელიც გომრში სააკაძის ქუჩის მესამე ეტაპის - დარჩენილი 750 გრძივი მეტრის მოასფალტებას ითვალისწინებდა შპს „ჯი-აი-დი“-მ გაიმარჯვა, რომელთანაც ხელშეკრულება აგვისტოს თვეში გაფორმდა. პროექტი ითვალისწინებს მიწის ვაკისის და რკინა-ბეტონის ლენტური კედლის, ანაკრები რკინა-ბეტონის გადამკვეთი ღარების, ბორდიურების, საგზაო სამოსის, საფენმაგლოებზე ასფალტის, საავტომობილო მიერთებების, ეზოში შესასვლელების, რკინა-ბეტონის ჭებების, სანიაღვრე მილების და სანაგვე ურნების ადგილების მოწყობას. ქუჩაზე დაიდგება საგზაო ნიშნები და სამ ზოლად, თერმოპლასტიკის თეთრი საღებავით მოხდება საგზაო ხაზების მონიშვნა, დაირკვება ნარგავები. სამუშაოების მიმდინარეობის პროცესს პერიოდულად ამოწმებდა კასპის მუნიციპალიტეტის გამგეობის მოვალეობის შემსრულებელი გონა გოჩიტაშვილი, მისი მოადგილე ზაზა მოსიაშვილი, ყოველდღიურად აკონტროლებდნენ გამგეობასთან შექმნილი ინსპექტირების ჯგუფის წევრები. შპს „ჯი-აი-დი“-მ ასფალტის დაგების წინასწარი მოსამზადებელი სამუშაოები თავდაპირველად ხარისხიანად დაიწყო, თუმცა, ვადები დაარღვია და ხელშეკრულების თანახმად დაჯარიმდა. კომპანიამ წვრილმარცვლოვანი ასფალტის დაგების დროს პროექტით გათვალისწინებული სამუშაო

უხარისხოდ დაიწყო, რაც სანიაღვრე ჭების არასწორად მოწყობაში გამოიხატა, ანუ ჭა ასფალტის ზედაპირს ასცდა. ზედაპირს აცდენილი ჭა კი ვერ უზრუნველყოფს ატმოსფერული ნალექების შედეგად მოსული წყლის ჭაში ჩასვლას, ქმნის ავტოტრანსპორტის საავარიო სიტუაციას და დისკომფორტს უქმნის ფეხით მოსიარულეთა გადაადგილებასაც. შექმნილ სიტუაციას ადგილობრივ ხელისუფლებასთან ერთად მოსახლეობაც აპროტესტებს. აღნიშნულთან დაკავშირებით მუნიციპალიტეტის ხელმძღვანელობამ და ინსპექტირების ჯგუფის წევრებმა, უხარისხო სამუშაოების შესახებ მშენებლებს რამდენიმე ზეპირი გაფრთხილება მისცეს. გამგეობის მოვალეობის შემსრულებელმა გონა გოჩიტაშვილმა შპს „ჯი-აი-დი“-ს ხელმძღვანელობას წერილობითი შეტყობინება გაუგზავნა. კასპის მუნიციპალიტეტის გამგეობა კომპანიას აცნობებს, რომ წვრილმარცვლოვანი ასფალტბეტონის საფარი გარკვეულ მონაკვეთებზე დაწეულია, ახლად მოწყობილი სანიაღვრე რკინა-ბეტონის ჭებთან შეფარდებით ასფალტის საფარი არათანაბარია. ამასთან სთხოვს, მიიღონ შესაბამისი ზომები ნაკლოვანებების აღმოსაფხვრელად, წინააღმდეგ შემთხვევაში, შესრულებული სამუშაოები არ იქნება მიღებული და ანაზღაურებული. შპს „ჯი-აი-დი“-ს ოფიციალური გაფრთხილება 2013 წლის 30 დეკემბერს გაეგზავნა (წერილი №2/2319).



პრობლემა მოგვარდა

სოფელ მიქელწყაროს და სადგურ კავთისხევის დასახლებაში მცხოვრები ოჯახები, ელექტროენერჯის დაბალი ძაბვის პრობლემის გამოსწორებას ითხოვდნენ. 31 დეკემბერს მოსახლეობას პრობლემა მოუგვარდა და საახალწლოდ ელექტროენერჯია მიეწოდათ. პრობლემის აღმოფხვრაზე "პროენერჯოლოჯია"-ს კასპის რაიონულმა ფილიალმა (მენეჯერი თემურ გოზალიშვილი) სამუშაოები სწრაფად ჩაატარა და მოსახლეობამ სასურველი ძაბვის ელექტროენერჯია მიიღო. 31 დეკემბერს, კასპის მუნიციპალიტეტის გამგეობის მოვალეობის შემსრულებელი გონა გოჩიტაშვილი და კასპის ტერიტორიული ორგანოს რწმუნებული ალექსანდრე გზირიშვილი ადგ

ილზე შეხვდნენ "პროენერჯოლოჯია"-ს კასპის რაიონული ფილიალის მენეჯერს თემურ გოზალიშვილს და მომუშავე ჯგუფს. გონა გოჩიტაშვილმა მოსახლეობის დახმარებისათვის, მათ მადლობა გადაუხადა. ძალიან დაბალი ძაბვის ელექტროენერჯია მოგვეწოდებოდა, თითქმის ვერც ვიყენებდით, ვწვალბდით, ნათურა ძლივს ანთებდა - ახლა კი ყველაფერი გამოსწორდა. მადლობა თემურ გოზალიშვილს, იგი მუშა ჯგუფთან ერთად იმყოფებოდა და ხელმძღვანელობდა სამუშაოებს - აღნიშნეს სადგურის დასახლების მცხოვრებლებმა. დალი კორკომაშვილი, კასპის მუნიციპალიტეტის გამგეობის მთავარი სპეციალისტი საზოგადოებასთან ურთიერთობის საკითხებში.

2013 წელს
კასპის დაიბადა

შ.პ.ს. "გინიკა+" (კასპის
მრავალპროფილიანი კლინიკა)

დავით ბეჟიტაშვილი (კასპი),
ლაშა გიორგი ტლაშაძე (გორი),
თამთა გოგიძე (გორი),
ნინო თოფურია (კასპი),
თენგიზ ბიჭიკაშვილი (კასპი),
სალომე ბახტაძე (კასპი),
ელენე ხარშილაძე (ნინოწმინდა),
ვაკო ბახტაძე (კასპი),
ნინო ბეგლარაშვილი (კასპი),
გიორგი ჯარმელიშვილი (ახალგორი),
ნინო მაზანაშვილი (კასპი),
ეკა კურდღელაშვილი (კასპი),
ნანი მანძულაშვილი (გორი),
დავით ჩიტაშვილი (კასპი),
ანასტასია ლიბრაძე (კასპი),
ლენა ნოვრუზოვი (თბილისი),
დავით ლუნაშვილი (კასპი),
გაბრიელ ბაქაძე (კასპი),
ლუკა ახალკაცი (კასპი),
ალექსი მაზნიშვილი (კასპი),
ემირ ბაირამოვი (ქარელი),
გიორგი გოგილაშვილი (მცხეთა),
გიორგი ბოგველი (კასპი),
დავით ნორზალოვი (კასპი),
სალომე ელიავა (კასპი),
ანანო ნიპარიშვილი (თბილისი),
ნიკოლოზ ხოკრიშვილი (კასპი),
ნინო ჯავახი (ბათუმი),
გიორგი ჯიქური (მცხეთა),
ანი ქოსაშვილი (კასპი),
ნინო მერებაშვილი (გორი),
აინუსი ფირიევი, (მცხეთა),
გიორგი გუგულაშვილი (თბილისი),
გიორგი ბასიაშვილი (კასპი),
ნინო ლომსაძე, (კასპი),
ზურა ხეთაგაშვილი (ქარელი),
თამარ ჩიტაშვილი (კასპი),
ლიზი წოწოლაშვილი (ახალგორი),
ნიკოლოზ გაბიდაური (კასპი),
ლუკა ნაბახტველი (კასპი),
საბა თუშიშვილი (კასპი),
ანა მაისურაძე (კასპი),
ანა ფიციძე (თბილისი),
თემურ გელიაშვილი (გორი),
თენგიზ მაისურაძე (ადიგენი),
ლუკა წითელაური (გორი),
თამარ ბერიანიძე (კასპი),
თემურ კაპანაძე (თბილისი),
ანასტასია შოთაშვილი (კასპი),
ალი ალიევი (კასპი),
ანანო ქსოვრელი (კასპი),
ლუკა ილურიძე (გორი),
ლუკა ხარხელი (კასპი),
საბა ჯაბახიძე (ზუგდიდი),
გიორგი ტატანაშვილი (კასპი),
ელენე თვაური (გორი),
მარიამ კონუაშვილი (გორი),
ანდრია ნასყიდაშვილი (თბილისი),
მუჰამედ გოჯაევი, (კასპი),
ვერიკო კაციაშვილი (გურჯაანი),
თამარ ქეშიკაშვილი (კასპი),
კარინა მელაძე (კასპი),
საქინა სოფათ ოღლი (კასპი),
ემირხან გაჯიევი (კასპი),
თემურ ლაფერაშვილი, (კასპი),
ნიკოლოზ მერებაშვილი (კასპი),
მარიამ ბიჭიაშვილი (მცხეთა),
სოსო ნადირაშვილი (გორი),
ჰამზა გიფი ოღლი (კასპი),
ადალათ ადალათ ოღლი (წალკა),
სანდრო ილურიძე (ოჩამჩირე),
გელა წიქარიშვილი (ქარელი),
ანი რაზმაძე (გორი),
ელენე ბიძინაშვილი (ბათუმი),
ნია ზანგურაშვილი (გორი),
მარიამ მშვიდლობაძე (კასპი),

* გაგრძელება მე-6 გვ.



რამდენიმე დღეა კასპის შემო-
სასვლელში, მდინარე ლეხურაში სხვა-
დასხვა სახეობის მძლავრი ტექნიკაა
მოხილვებული, მიმდინარეობს ნაპირ-
სამაგრი სამუშაოები. უხვი ნალექის
შედეგად, წლებია მდინარე კალაპოტს
აგანიერებს და ორივე ნაპირის გასწვრივ
მიწის ფართობს და არსებულ ნაპირსა-
მაგრ კედელს აზიანებს. არსებული ნა-
პირსამაგრი კედელი დიდი ხნის გაკეთე-
ბულია და ვეღარ უძლებს პერიოდ-
ულად ადიდებულ ლეხურას. მუნიცი-
პალიტეტის ხელმძღვანელობამ

თელიანელთა
ქვემოქვეყნა

* დასასრული

ბავშვთა შობილებმა და ოჯახის წევრებმა
დააარსეს. ცენტრი ორ ორგანიზაციად
ფუნქციონირებს: ერთი 18 წლამდე ასაკის
ბავშვების, ხოლო მეორე 18 წლის ზე-
მოთ. ორივე ცენტრში 37 ბავშვია, სა-
დაც ისინი სოციალური რეაბილიტაცი-
ის კურსს გადიან. დღის განმავლობაში
(10 საათიდან საღამოს 5 საათამდე) სწავ-
ლობენ ქართულს და მათემატიკას, მათი
უნარებიდან გამომდინარე კი გეოგრა-
ფიას და ისტორიას, აქვთ შრომითი
თერაპიის გაკვეთილიც. ბავშვებს აქვთ
საკუთარი ნიჭის გამოქვავების საშუ-
ალება - მღერაინ, ხატავენ და მუშაობენ
თექაზე. ბავშვების ყოველდღიურ ტრანს-
პორტირებას ასოციაცია "ანიკა" უზრუნ-
ველყოფს. ჩვენი არსებობის მანძილზე



დახმარება ბევრ ორგანიზაციას გაუწე-
ვია, მაგრამ სოფლის ნობათის მორთმე-
ვის შემთხვევა არ ყოფილა. ყველაზე
მეტად კვების პრობლემები გვჭირდება,
თქვენნი მოტანილი სოფლის ნობათი
მართლაც დროულია, რისთვისაც მად-
ლობას მოგახსენებთ. იმედია, თქვენნი
ქვემოქვეყნა სტიმული იქნება სხ-
ვისთვისაც - აღნიშნა ასოციაცია "ანი-
კა"-ს გამგეობის თავმჯდომარემ ირინა
ინსარაძემ.

გამოიწერეთ

მდინარე ლეხურაზე ნაპირსამაგრი
სამუშაოები მიმდინარეობს

საქართველოს მთავრობას დახმარები-
სათვის მიმართა, საქართველოს ცენ-
ტრალური ბიუჯეტიდან გამოიყო თანხა
(1 300 000 ლარი), გამოცხადდა
ელექტრონული ტენდერი, გამოვლინდა
გამარჯვებული ორგანიზაცია - სს "ხიდმ-
შენი", რომელიც სამუშაოების შესრულე-
ბას აქტიურად შეუდგა.
პროექტი ითვალისწინებს ხიმ-
ინჯების მოწყობას, კედლის სამუშაოე-
ბის დაწყებას, ხოლო დასასრულს გზ-

ისპირსა და კედელს შორის არსებული
სიცარიელე ამოივსება.
- აღნიშნული სამუშაოები მაი-
სის თვეში დამთავრდება და მართლაც,
დიდი პრობლემა მოგვარდება, თუმცა,
მდინარეზე ნაპირსამაგრი სამუშაოები,
რომელიც ამჯერად 228 გრძივ მეტრზე
მიმდინარეობს, აუცილებელია მომავალ-
შიც გაგრძელდეს - აღნიშნა კასპის
მუნიციპალიტეტის გამგებლის მოადგ-
ილემ ზაზა მოსიაშვილმა.





სოფელ სამთავისში სასაქონლო ფუნდის
მოწყობის სამუშაოები მიმდინარეობს



კასპის მუნიციპალიტეტის გამგე-
ობის მოვალეობის შემსრულებელმა
გოჩა გოჩიტაშვილმა და მისმა მოადგ-
ილემ ზაზა მოსიაშვილმა სოფელ
სამთავისში, სასაქონლო ფუნდის ქსელის
მოწყობის მიმდინარე სამუშაოები დაათვა-
ლიერეს.
პროექტის ფარგლებში აშენდა
წყლის ახალი რეზერვუარი. უსაფრთხ-
ობის მიზნით რეზერვუარი შემოიღობა
მაკუთუბადით. მოეწყო ახალი საქლორ-
ატორი, რომელიც მოსახლეობას სტან-
დარტებს დაქვემდებარებულ,
ეკოლოგიურად სუფთა სასაქონლო ფუნდით
უზრუნველყოფს.
რეზერვუარიდან გამომავალი პო-
ლიეთილენის ცენტრალური მაგისტრალ-
იდან შიდასაუნო დაქსელების შემდეგ
მოსახლეობა სასაქონლო ფუნდის მიღებს.
სოფელ სამთავისში სასაქონლო ფუნდის
ქსელის მოწყობის სამუშაოებს
ელექტრონულ ტენდერში გამარჯვებუ-

ლი შპს "აგრო" აწარმოებს და მას თვის
ბოლოს დაასრულებს. სამუშაოების
ღირებულება 181 149 ლარია.
- კასპის მუნიციპალიტეტის
გამგეობა, მოსახლეობის სასაქონლო ფუნდით
უზრუნველყოფის საკითხს განსაკუთრე-
ბულ მნიშვნელობას ანიჭებს. გამგეობამ
სამთავისის მოსახლეობის პრობლემის
შესახებ ინფორმაცია საქართველოს
რეგიონალური განვითარებისა და ინ-
ფრასტრუქტურის სამინისტროს აცნო-
ბა. სამინისტრომ სამუშაოების ჩასატარე-
ბლად თანხა გამოყო. აღნიშნულმა შესა-
ძლებლობა მოგვცა სოფლის მოსახლე-
ობისათვის, რომელიც დღემდე სასაქონლო
ფუნდის გარეშე იყო დარჩენილი, ეს სა-
სიციცხლო პრობლემა მოგვეგვარებინა.
- აღნიშნა გამგებლის მოვალეობის შემ-
სრულებელმა გოჩა გოჩიტაშვილმა.
დალი კორკომაშვილი, კასპის
მუნიციპალიტეტის გამგეობის მთა-
ვარი სპეციალისტი საზოგადოებასთან
ურთიერთობის საკითხებში.

”ჯან ყაყში ცხელი გულის მძებნელი ...”



მწერალსა და საზოგადო მოღვაწეს, ჩინებულ მოქართულებს, ისტორიული და კულტურული მემკვიდრეობის შემკრენსა და დამფასებელს გიორგი ხორგუაშვილს დაბადებიდან 85 წელი შეუსრულდებოდა.

საიუბილეო თარიღთან დაკავშირებით გაიმართა მისი შემოქმედებითი და ხსოვნის საღამო, რომელსაც ესწრებოდნენ დედაქალაქიდან მონვეული სტუმრები, მწერლები, თვალსაჩინო საზოგადო მოღვაწენი, ხელოვანები, ადგილობრივი ხელისუფლების წარმომადგენლები, მწერლის შემოქმედების დამფასებლები და ოჯახის წევრები, ახლობლები...



კასპში, აქამდე მსგავსი რამ ჯერ არ მომხდარა... საცხოვრებელი სახლის კედელზე, იქ, სადაც წლების განმავლობაში მწერალი და ცნობილი საზოგადო მოღვაწე გიორგი ხორგუაშვილი ცხოვრობდა (ფერემ II-ის (ყოფილი სააკაძის ქუჩა №2) მემორიალური დაფა განთავსდა. მემორიალის საბურველის ჩამოხსნის პატივი წილად ზვდათ მწერლის შვილიშვილებს: ხატბას, თათიას და გიორგი (უმცროსი) ხორგუაშვილებს. მანამდე კი, კასპის წმინდა ვახტანგ გორგასლის სახელობის საკათედრო ტაძარში მისი მოსახსენიებული პანაშვიდი გაიმართა. შემდეგ, ოჯახის ახლობლებმა, მოწვეულმა სტუმრებმა ყვავილების გვირგვინებით შეამკეს მწერლის საფლავი.

მწერლის ხსოვნისადმი მიძღვნილმა ღონისძიებამ ცოტა ხნით გადაინაცვლა კასპის მხარეთმცოდნეობის მუზეუმში, სადაც მოწვევნილი იყო ღონისძიებასთან დაკავშირებული სპეციალური გამოფენა... მწერალი, პუბლიცისტი, ესეების ავტორი გიორგი ხორგუაშვილი ოთხათეულ წელზე მეტხანს თავკაცობდა ამ კულტურულ კერას და სწორედ მისი ინიციატივითა და ორგანიზებით კასპში არსებული

მუზეუმები ფასდაუდებელი, მეცნიერული ღირებულებების ექსპონატებით გაამდიდრდა. გაწეული ამაგისა და დამსახურებისათვის კასპის მხარეთმცოდნეობის მუზეუმს ამიერიდან მიენიჭა გიორგი ხორგუაშვილის სახელი...

იუბილეზე მოპატივებულ საზოგადოებას დღის ბოლოს უმასპინძლა ქალაქის კულტურის ცენტრმა. იუბილარის პორტრეტებით დამშვენებულ სცენაზე მოწვევილი მონიტორზე უწყვეტად აჩვენებდნენ მწერლის ცხოვრებისა და მოღვაწეობის ამსახველ ვიდეო-კოლაჟს...

დარბაზში შეკრებილ საზოგადოებას მისასალმებელი სიტყვით მიმართა კასპის მუნიციპალიტეტის გამგებლის მოვალეობის შემსრულებელმა გონა გონიტაშვილმა, რომელმაც გამგეობის სახელით, ახლა უკვე გიორგი ხორგუაშვილის სახელობის კასპის მხარეთმცოდნეობის მუზეუმს საჩუქრად გადასცა მხატვარ დავით ბაძაღუს მიერ შესრულებული მწერლის პორტრეტი.

საიუბილეო საღამოზე საინტერესო მოგონებებით გამოვიდნენ ისტორიის მეცნიერებათა დოქტორი გიორგი ოთხმეზური, მწერალი და მთარგმნე

* გაგრძელება მე-5 გვ.





”ჯან ყაყში ცხელი გულის მძებნილი ...”


ვიდეო მასალით მოისმინა მწერალ გურამ დოჩანაშვილისა და ისტორიულ მეცნიერებათა დოქტორის მარიამ ლორთქიფანიძის გამოსვლები, აგრეთვე, გერმანიაში მყოფი მწერლის შვილიშვილის, ნათია ხორგუაშვილის ჩანაწერი.

აპლოდისმენტები დაიმსახურა კინოსა და თეატრის ცნობილმა მსახიობმა ზურაბ ცინცქილაძემ,




რომელიც კითხულობდა გიორგი ხორგუაშვილის ლექსებს, ამონარიდებს მოთხრობებიდან. მწერალ გიორგი ხორგუაშვილისადმი მიძღვნილი საკუთარი ლექსები წაიკითხეს პედაგოგებმა თამარ გაბომემ და მანანა ყაბანაშვილმა. მოწონება დაიმსახურეს ხალხური სიმღერების ანსამბლებმა: “მოურავი” და “ქართლი.” სამადლობელი სიტყვები წარმოთქმეს მწერლის მეუღლემ ნათელა ფარემუშაშვილმა, მწერლის დამ, რუიზან ხორგუაშვილმა.

მოწვეულ სტუმრებს, დამსწრე საზოგადოებას ოჯახის სახელით გულითადი მადლობა გადაუხადა საიუბილეო ღონისძიების ორგანიზატორმა, მწერლის დისშვილმა ლია ბეგლარაშვილმა. საიუბილეო საღამოს უძღვებოდნენ: მწერლის შვილიშვილი ხატია ხორგუაშვილი და რობერტ კავთიაშვილი. საღამო დასრულდა მუსიკალური ნომრით და შემსრულებელი გახლდათ მწერლის პატარა შვილიშვილი თათია



ხორგუაშვილი, რომელმაც მაყურებელს შესთავაზა პოეტ ჯანსუღ ჩარკვიანის ლექსზე შექმნილი ცნობილი ქართული ჰიტი “სულ ზევით, ზევით”...

კასპის მუნიციპალიტეტის კულტურის დაწესებულებების გაერთიანება.



* დასასრული.

ლი გივი შაჰნაზარი, გიორგი ხორგუაშვილის უახლოესი მეგობარი, ჟურნალისტი გურამ ვაშაკიძე, პოეტი ვაჟა ოთარაშვილი, კინომცოდნე, ქაქუცა ჩოლოყაშვილის სახელობის ჩოხოსან რაინდთა დასის ხელმძღვანელი გოგი დოლიძე. დამსწრე საზოგადოებამ

სამთხათ წარმოდგენა წინართვში

ნახალწლევს, არდადეგებიდან დაბრუნებული წინართვის საჯარო სკოლის (დირექტორი ვასილ ქეშელაშვილი) მოსწავლეები ხალისით იხსენებდნენ სოფლის კლუბში (გამგე ნუნუ ბედოიძე) გამართულ საშობაო წარმოდგენის დეტალებს...

საზეიმო კონცერტს, რომელიც მოსწავლეთა ძალებით ჩატარდა, მარტო ახალგაზრდები კი არა, უფროსი თაობის წარმომადგენლებიც ესწრებოდნენ.

— ძალიან მოინდომეს ბავშვებმა, უფრო კი, დაწყებითი კლასები და მათი პედაგოგები (თინათინ თვაური, მაია თხინვალი) აქტიურობდნენ, — აცხადებს ისტორიის მასწავლებელი ია ირემაშვილი, — ბავშვების საყვარელი ზღაპრის “წითელქუდას” — მიხედვით შე-



და. წარმოდგენა, მართლაც, ყველას მოეწონა და შესაბამისად, აპლოდისმენტები დაიმსახურა.

ქმნილი თეატრალიზებული წარმოდგენა ინგლისურ ენაზე შესრულდა და მასწავლებელმა თამარ კოდალაძემ მოამზა-

სახალწლო კონცერტზე მიპატიჟებული სტუმრები მოხიბლა მეოთხე კლასის მოსწავლემ გიორგი ბერბიჭაშვილმა, რომელმაც შთაბეჭდავად წარმოთქვა საახალწლო მილოცვა, მილოცვას მოჰყვა სიმღერები, ცეკვები, მერე კი, მონატრებული თოვლის პაპაც გამოჩნდა, რომელმაც ტკბილეულით დაასაჩუქრა პატარები და მათთან ერთად მოიღვინა. ღონისძიების ორგანიზატორებსა და მონაწილეებს აქტიურობისათვის მადლობა გადაუხადა წინართვის ტერიტორიული ორგანოს რწმუნებულმა ზაზა მარჯანიძემ.



ორლოზის თოვლში კარები დგანან და კასპის ერთ დიდ კლდეს გასრქერიან, „ვეფხისტყაოსნის სამეზას,, ჰგვანან — თოვლს და სამშობლოს ზამთარს შვენიან ... არც ნამეტნავად მთვრალენი ჩანან, არც მთლად ფხიზლოვნში სწერიან „საქართველოო ლამაზო,, — სულისშემძვრელად მღერიათ. მურმან ლეზანიძე.



ზავშთა უფლოებნის კონვენცია

უკვე მიღებულია. ამ სახელმწიფოებში საქართველოც შედის.

მახსოვს, პირველად რომ გავიგე ბავშვთა უფლებების კონვენციის შესახებ, ძალიან გახარებული ვიყავი. განა იმიტომ, რომ მშობლები ჩემს უფლებებს არღვევდნენ, უბრალოდ, მომწონდა ის, რომ რაღაცები დანამდვილებით შემქმნელი და მივხვდი, რომ არამართო ჩემს სახლში, ან მეგობრებთან, არამედ ქალაქში, ქვეყანაში და საერთოდ, მსოფლიოში გარკვეული ადგილი მეჭირა. მოდი, შენი რამდენიმე უფლების შესახებ გეტყვი, აი, დავიწყეთ ყველაზე მარტივიდან:

1. ყველა ადამიანი, ვისაც ჯერ 18 წელი არ შესრულებია, ითვლება ბავშვად.
2. სახელმწიფო ვალდებულია, დაიცვას ყველა ბავშვის უფლება რელიგიის, ეროვნების, კანის ფერისა და სხვა განსხვავებების მიუხედავად.
3. ბავშვს დაბადებისთანავე აქვს უფლება, ჰქონდეს სახელი, გვარი და მოქალაქეობა. ასევე უფლება აქვს იზრდებოდეს მშობლების გარემოცვაში.
4. ბავშვს უფლება აქვს იცხოვროს მშობლებთან ერთად და, მშობლების განცალკევების შემთხვევაში, ურთიერთობა ჰქონდეს მათთან, თუ ეს არ არის მისთვის საზიანო.
5. ბავშვს და მის მშობლებს ყოველთვის შეუძლიათ დატოვონ და დაუბრუნდნენ საკუთარ ქვეყანას, რათა ერთ ოჯახად იცხოვრონ.
6. ბავშვს შეუძლია გამოთქვას თავისი აზრი ისეთ საკითხებზე, რომელიც მას ეხება.
7. ბავშვს აქვს აზრის გამოხატვის და გაზიარების უფლება, თუ ეს ინფორმაცია არ არის მისთვის ან სხვისთვის საზიანო.
8. სახელმწიფომ უნდა დაიცვას ბავშვის აზრისა და რწმენის თავისუფლება და პატივი სცეს მას.
9. სახელმწიფო ვალდებულია დაეხმაროს მზრუნველობამოკლებულ ბავშვებს და შეუქმნას მათ ოჯახური გარემო.

თუ დაგინტერესებს, ყურადღებით წაიკითხე ბავშვთა უფლებების კონვენცია, იქ ბევრ საინტერესოს აღმოაჩენ.

ყოველი წლის პირველ ივნისს მთელ მსოფლიოში ბავშვთა დაცვის საერთაშორისო დღეს აღნიშნავენ. მშობლები შვილებს იღებენ ხოლმე და შვილები ბაბის ნაყინის საჭმელად და პარკში სასიეროდ მიჰყავთ. თითქმის ყველგან იმართება კონცერტები და პატარებს სახეზე ფერად ყვავილებს და მზეებს ახატავენ, აძლევენ ბუშტებს და სათამაშოებს. იმ ბავშვებსაც, ვისაც მშობლები არ ჰყავთ, ამ დღეს განსაკუთრებულ ყურადღებას აქცევენ. პირველი ივნისი პატარებისთვის ყოველთვის ხალისიანი დღე გამოდის, საღამოს დაღლილი ბავშვები გაღიმებულები წვიბიან საწოლებში და ტკბილ სიზმრებს ნახულობენ. მიუხედავად იმისა, რომ ყოველ წელს ამ დღეს სიხარულით ხვდებით, შესაძლოა, ზოგიერთმა თქვენგანმა ზუსტად და დანამდვილებით არ იცოდეს ამ დღის ნამდვილი მნიშვნელობა. ეს სულაც არაა დღე, როცა ათასი ბუშტი უნდა გაუშვა ცაში და პატარებისთვის თამაშობები მოაწყო. უფრო სწორად, პირველი ივნისი იმიტომ აღინიშნება მსგავსი რაღაცებით, რომ 1989 წელს გაერთიანებული ერების ორგანიზაციამ პირველად მიიღო ბავშვთა უფლებების კონვენცია, ხოლო ერთ წელიწადში ის ძალაში შევიდა. აქამდე ყველას შეეძლო დაერღვია ბავშვთა უფლებები და კანონის მიხედვით არ დასჯილიყო. ამ კონვენციამ უფროსებს დანამდვილებით ასწავლა, თუ როგორ უნდა მოეპყრონ პატარებს და რის უფლება აქვთ მათ. მსოფლიოს ბევრმა ბავშვმა არ იცის საკუთარი უფლებების შესახებ, ზოგმა არც ის იცის, რომ მშობლებმა მას არ უნდა სცემოს და არც მუშაობა აიძულოს – შესაძლოა იმ 193 ქვეყანაშიც კი, სადაც ეს კონვენცია



ყველაზე დიდი საბავშვო მუზეუმი

ასეთი მუზეუმის შექმნის იდეა ჯერ კიდევ მეოცე საუკუნის 10-იან წლებში დაიბადა და 1925 წელს მუზეუმი გაიხსნა. მას შემდეგ, ყოველ წელიწადს მას უთვალავი ბავშვი სტუმრობს. ეს ერთ-ერთი ყველაზე საბავშვო ადგილია მთელ მსოფლიოში. მას ინდიანაპოლისის ჰქვია. თქვენ მკითხავთ – რა არის ინდიანაპოლისი? ეს არის უზარმაზარი ტერიტორია, რომელზეც ბავშვებისთვის განკუთვნილი ასი ათასზე მეტი ექსპონატი. მოკლედ რომ ვთქვა, ინდიანაპოლისი ყველაზე დიდი საბავშვო მუზეუმია.

ჯერ მარტო ინდიანაპოლისის მთავარი შენობა ისეთია, რომ სუნთქვა შეგეკვრება. ხედავ, როგორ ადიან მინაზე უზარმაზარი დინოზავრები. მუზეუმში შესვლისთანავე ბავშვები სამსართულიანი ფერადი მინის ზოლებისგან შემდგარი ფიგურისკენ მივლიან და დიდხანს მოჯადოებულები უყურებენ. ეს იმიტომ, რომ ამდენ მინას მართლაც ვერსად ნახავ. თან, ზომ იცი, ფერადი მინა რა ლამაზია და როგორ ჰგავს საწუწნ კანფეტს, ტკბილ კარამელს, ანდა მამალოს.

ინდიანაპოლისის მუზეუმში განსაკუთრებული ადგილი მეოცე საუკუნის 175 კარუსელს უკავია. უმეტესობა ზღაპრულია, რადგან მულტფილმებისა და ფილმების გარდა იშვიათად თუ შეხვდები ასეთს. გახსოვთ, პინოქიო რომ ზის ცხენებიან კარუსელზე, რომელიც წრეზე მიჰქრის და ზემოთ-ქვემოთ ჭუნაობს, და თან მუსიკა ისმის. სწორედ ასეთი კარუსელებია ამ მუზეუმში.

აქვე ძალიან, ძალიან მაგარი საბავშვო თეატრია. შეგიძლია ისეთ სპექტაკლებს დაესწრო, სადაც ყველაფერი საოცრად ჰგავს ნამდვილს, რაც კარგი მსახიობების, სცენის ჯადოსნური დეკორაციებისა და განათების ბრალია.

შემდეგი გაჩერება დინოზავრების სამფლობელოა. ამ უზარმაზარი არსებების ფიგურები გეხმარება იმის წარმოდგენაში, თუ როგორები იყვნენ დინოზავრები სინამდვილეში. რაც მთავარია, მუზეუმის ამ მონაკვეთში ზუსტად იმ გარემოს შექმნას ეცადნენ, როგორშიც ეს ცხოველები ცხოვრობდნენ, მთელი უდაბნოებით, უცნაური მცენარეებით და გამოქვაბულებით.

დინოზავრების ტერიტორიის გავლის შემდეგ კიდევ ერთ უცნაურ ადგილას მოხვდებით. აქ უამრავი პატარა ტრაქტორი, პატარა ზომის მუშის ტანსაცმელი, მადაროს ხელსაწყოები და მეცნიერული დანადგარებია. ეს სამეცნიერო განყოფილებაა, სადაც ნებისმიერ ბავშვს შეუძლია გახდეს გარემოს დამცველი, მეცნიერ-მკვლევარი, არქეოლოგი, ფიზიკოსი. უბრალოდ მორიგე შენთვის შესაბამისი სამოსი და იმუშავე ბუნებაში. მართალია ეს ყველაფერი დიდხანს არ გრძელდება, მაგრამ აქ თავს მართლაც რომ საქმიან უფროსად იგრძნობ. ჩვენი მოგზაურობა ამით არ დასრულებულა. ინდიანაპოლისში კიდევ უამრავი საუცხოო ადგილია, რომელზეც დიდი სიამოვნებით მოგიყვებით გაზეთის შემდეგ ნომერში.

*“ქვეყნის” ელოდება გამოხმაურებას.

ტივოლის ზღვები და ასტერიქსის პარკი

დასასვენებელ პარკებში უფროსები მხოლოდ ბავშვების თანხლებით მიდიან და ამბობენ, რომ ეს ყველაფერი იმისთვისაა, რომ პატარა გაერთოს. მე თუ მკითხავთ, სინამდვილეში უფროსები ისევე ერთობიან იქ, როგორც მათი შვილები. უბრალოდ, ამას არ აღიარებენ. ძალიან ცოტა მშობელი თუ გაბედავს მარტო, ან თავის მეგობართან ერთად წავიდეს საბავშვო პარკში, თავბრუს ხვევამდე იჯდეს ათასნაირ ატრაქციონზე და გემრიელად მიირთვას ბაბის ნაყინი. მოკლედ, ბავშვებთან ერთად გასართობად წასული უფროსები არანაკლებ ალტაცებულები არიან ხოლმე. მით უმეტეს, არსებობს მსოფლიოში ყველაზე საუკეთესო გასართობი პარკები და ისინი სხვადასხვა ქვეყნებშია გაფანტული.

პირველი პარკი, რომელზეც ვიამბობთ, დანიაში, კოპენჰაგენში მდებარეობს და იგი ერთ-ერთი ყველაზე ცნობილი ადგილია. ცნობილია არა მარტო იმიტომ, რომ ამ პარკში არაჩვეულებრივი ატრაქციონებია, არამედ იმიტომაც, რომ უძველესია. ეს გახლავთ ტივოლის ბაღები. აქ უამრავი უცხო მცენარე ყვავის და ატრაქციონების გვერდით უზარმაზარი, უცნაური ხეები დგას. ამ პარკში არის მსოფლიოს პირველი ამერიკული მთების ატრაქციონი, რომელიც ხისგანაა დამზადებული. თუ ტივოლის ბაღებში ბავშვი საღამომდე შემორჩება, აუცილებლად ნახავს გასაოცარ ფეიერვერკს. ყოველ საღამოს აქ უფროსები ბავშვებთან ერთად მოდიან და ამ ჭრელი სანახაობით ტკბებიან. რაც მთავარია, ატრაქციონების გარდა პარკში ძალიან კარგი და საინტერესო პანტომიმის თეატრია, რომელშიც საყვარელი მიმი-მსახიობები თამაშობენ. ასე რომ, ძალიანაც რომ მოინდომო, ტივოლის ბაღებში ვერ მოიწყენ.

ალბათ, გახსოვთ სასაცილო გალი მებრძოლი ასტერიქსი. ეს ასტერიქსი ბავშვებს იმდენად უყვართ, რომ მის პატივსაცემად საფრანგეთში გასართობი პარკიც კი გააკეთეს. იქ თუ შეხვალ, თავი ძველ რომში გეგონება. ხოლო ოდნავ მოშორებით, ისევე, როგორც რომის ტყეებში და სოფლებში, ჩანჩქერებსაც აღმოაჩენ. ასტერიქსის პარკში ბავშვებისთვის ყველაზე საინტერესო ადგილი, ალბათ, მოჩვენებებით სავსე სასახლეა, სადაც ბავშვების ჯგუფი შეჰყავთ ხოლმე და პატარებს შიშისგან ძარღვებში სისხლი ეყინებათ. როცა ასეთ ადგილას მოხვდები, არ უნდა დაგავიწყდეს, რომ ეს ყველაფერი ნამდვილი არაა და არც არაფერი დაგიშავდება. სამაგიეროდ, ძალიან, საინტერესო და საკვირველია.

მოჩვენებებიანი სახლიდან გამოსვლის შემდეგ იმდენი რამ გექნება მოსაყოლი, მთელი ერთი თვე გეყოფა, გაუჩერებლად რომ ილაპარაკო. კიდევ, გაითვალისწინე, რომ ასტერიქსის პარკში უამრავი ამერიკული მთების ატრაქციონია. ზოგიერთი მათგანი ძალიან საშიშია, თავდაყირა გაყენებს და საოცარ მანევრებს ასრულებს პარკში. ზოგი ამერიკული მთა კიდევ ნახევრად საშიშია, აი, ისეთი, რომ გაერთო და სიამოვნება მიიღო. გაითვალისწინე, რომ თუ ასტერიქსის პარკში, ანდა სხვაგან, სადაც ხშირად დადიხარ, საღამოსკენ მოხვდები, აუცილებლად გაიმოთხე ბალახზე და ცას უყურე. ამ ადგილებიდან ძალიან ბევრი ვარსკვლავი მოჩანს და დამდამობით გამჭვირვალე, სუფთა ჰაერია.

თუ ამ და სხვა პარკებში (რომლებზეც შემდგომში მოგიყვები) გადაწყვეტ სტუმრობას, აუცილებლად წაიყვანე დედიკო და მამიკო. დამიჯერე, ძალიან გაეხარდებით.

გ ი ნ დ ა თ ი თვალი ადევნით საქართველოში მიმდინარე მოვლენებს?
 გ ი ნ დ ა თ ი გაეცნით საინფერესო, საქმიან და მნიშვნელოვან ცვლილებებს
 ქვეყნისა და მუნიციპალიტეტის ცხოვრებაში?
 გ ი ნ დ ა თ ი გაიგოთ ერისუცვათ მოსაზრებები საქართველოს ცხოვრების
 პერსპექტივაზე?

თუ გსურთ ჩვენი გაზეთის ხელმოწერი გახდეთ, მოზრძანდით რედაქციაში! ან დაგვირეკეთ 22 25 76

გამოიწერეთ "სახლი გზნითაჲ" რა გზნითაჲ სურს შეიტყულო!

ლაიბადა კასპი 2014 წლის პირველ იანვარს

2014 წელს შ.პ.ს. "გინიკა+"-ში (კასპის მრავალპროფილიანი კლინიკა) პირველი ბავშვი, პირველ იანვარს დღის პირველ საათზე დაიბადა. კასპელ ვალერი არზიანს /სს "ტაოპრივატბანკის" კასპის ფილიალის სერვისცენტრის მმართველის მოადგილე / და ნუნუ თაბუაშვილს / ქვემო ხანდაკის საჯარო სკოლის უცხო ენის პედაგოგი/ შეეძინათ ქალიშვილი ანი არზიანი.



"ყბურა" გილოცავთ ნათლისღების დღესასწაულს!



შ.პ.ს. "ჰაიდელბერგცემენტ ჯორჯიას" კასპის ცემენტის ქარხანა აცხადებს პაპანსივს

შ.პ.ს. "ჰაიდელბერგცემენტჯორჯიას" კასპის ცემენტის ქარხანა აცხადებს ვაკანსიებს შემდეგ თანამდებობებზე:

1. ავტომატის შემკეთებელი / ეიქვის ეიქვი;
2. გეოდეზიური ხედი ამნის ოპერატორი;
3. ელექტრომემდებლის სტაფორი;
4. ელექტრომემკეთებლის სტაფორი /ეიქვის ეიქვი, განათება უმაღლესი, ინჟინერი-ელექტიკოსის ევალიტიაცია/;
5. სინჯის ამღების სტაფორი;
6. ინჟინერი-დამგებმახების სტაფორი /განათება უმაღლესი, ინჟინერი-მექანიკოსის ევალიტიაცია/.

გთხოვთ, ნახმოადგინოთ თქვენი ხე-ზიუმი ადამიანური ხესხების მართვის დეპარტამენტში ა/ნის 27 იანვარამდე შემდეგ მისამართზე:

ქ. კასპი, ფახნავაზის ქ. №2.

E-mail: maia.Kaciashvili@heidelbergcement.ge

რედაქციაში შემოსული წერილები არ რეცენზირდება და ავტორებს არ უბრუნდებათ

გაზეთი იბეჭდება გამომცემლობა „კოლორი“.

რედაქცია ხელმძღვანელობს თაინსუფალი არაისის პრინციპით. სტაჟიის ავტორის აზრი, შესაძლოა არ ემთხვეოდეს რედაქციის აზრს. მოგანილი ფაბრიკის სიზუსტეზე პასუხისმგებელია ავტორი. სარედაქციო მასალები და განხილვების შინაარსზე რედაქცია პასუხს არ აძებს. რედაქციის ნებართვის გარეშე მასალების გამოქვეყნება იკრძალება.

რედაქცია ნანა მერაბიშვილი რედაქციის მისამართი: 2600 ქ. კასპი სააქაძის ქ. № 68 ტელეფონი 22-25-76